

## Kuwapenda Wengine

Hivyo mfuateni Mungu, kama watoto wanaopendwa; mkaenende katika upendo, kama Kristo naye alivyowapenda ninyi tena akajitoa kwa ajili yetu, sadaka na dhabihu kwa Mungu, kuwa harufu ya manukato

**Waefeso 5:1, 2.**

Mnapaswa kumfuata Mungu kama watoto wapendwa, ili kuwa watiifu kwa matakwa Yake yote, mkitembea katika upendo kama Kristo pia Alivyowapenda ninyi.... Upendo ulikuwa kipengele ambacho kwacho Kristo alituma na alitembea na kufanya kazi. Alikuwa kuukumbatia ulimwengu katika mikono ya upendo Wake...

Tunalazimika kufuatisha mfano uliowekwa na Yesu na kumfanya kuwa kielelezo chetu, mpaka pale tutakapokuwa na upendo uo huo kwa wengine kama ambavyo ametudhihirishia. Anatafuta kutugusa kwa somo kuu la upendo.... Ikiwa moyo wako ulikuwa umefanywa kuwa mbinafsi, mruhusu Yesu akujaze kwa upendo Wake. Anatamani kwamba tumpende kikamilifu na kututia shime, ndio, hata kutuagiza, kwamba tuwapende wengine kama ambavyo ametuonesha kielelezo. Ameufanya upendo kuwa ishara ya kufanya uanafunzi wetu.... Hiki ndicho kipimo ambacho kwacho unapaswa kuwafikia wengine,—“Mpendane. Kama vile nilivyowapenda ninyi.” Upendo mkubwa, wa kina na mkuu mno! Upendo huu sio unawakumbatia wachache uwapendao, unalazimika kuvifikia viumbe vya Mungu vya chini na duni mno. Yesu anasema, “Kadiri mlivyomtendea mmojawapo wa hao ndugu zangu walio wadogo, mlinitendea mimi.” ...

Upendo na huruma ambayo Yesu angetutaka kuwapatia wengine hauna dalili ya mchomo mkali moyoni, ambao ni mtego kwa nafsi; ni upendo ambao ni wa asili ya mbinguni, ambao Yesu anauonesha kwa vyote kanuni na mfano. Lakini badala ya kuonesha upendo huu, mara kwa mara tunatengana na kufarakana sisi kwa sisi.... Matokeo yake ni kutengwa na Mungu, uzoefu dumazi, uharibuo ukuaji wa Mkristo....

Upendo wa Yesu ni kanuni hai, iunganishayo moyo na moyo katika viungo vya ushirika wa Mkristo. Kila mtu aingiaye mbinguni atakamilishwa katika upendo angalipo duniani; kwa maana huko mbinguni Mkombozi na waliokombolewa watakuwa mada zituvutiazo.